

王  
氏  
醫  
案

王氏醫案續編卷三

杭州王士雄孟英醫案

趙夢齡菊齋續輯

丙午春高漢芳患滯下色醬日數十行年已七十七歲自去秋  
以來漸形疲憊卽服補藥馴致見痢黃某徑用溫補勢乃劇延  
孟英診之右脈絃細<sub>脈、虛、遲、實、</sub>遲口渴溲澀時時面赤自汗乃吸受暑  
邪誤作虛治幸其所稟極堅尙能轉痢一誤再誤邪愈盛而正  
反虛矣以白頭翁湯加參朮銀花芩芍棟斛延胡二劑卽減五  
劑而安繼與調補竟得霍然後三載以他疾終

驅毒丸

方連 何學 蘇姜

葉晝三姪女適朱氏。上年四月分娩。七月患赤痢。其家謂產後之病。不敢服藥。延至今春。肌消膝爽。見食欲嘔。晝三迓孟英診之。左細。右滑。數伏。暑為病。幸未誤藥。與沙參、陳倉米、歸芍、續斷、木瓜、扁豆、連斛、石蓮、荷蒂、柿蒂、枇杷葉、橘皮為方。送駐車丸而愈。

鄭芷塘令岳母年踰花甲。仲春患右手足不遂。舌蹇。不語。面赤。便秘。醫與疏風不效。第四日延診於孟英。右洪滑。左絃數。為陽明府實之候。疏石菖蒲、膽星、知母、花粉、枳實、雙仁、秦艽、旋覆、麻仁、竹瀝為方。或慮便瀉欲脫。置不敢用。而不知古人中藏宜下。

之藏字。乃府字之譌。柯氏云、讀書無眼。病人無命。此之謂也。延  
至二旬。病勢危急。芷塘浼童秋門復懇孟英視之。苦裂舌絳。米  
飲不沾。腹脹息粗。陰津欲竭。非急下不可也。卽以前方加大黃。  
○急下○存陰○合法  
四錢絞汁服。連下黑矢五次。舌蹇頓減。漸啜稀糜。乃去大黃加。  
○滋陰○生津○九○合○法  
西洋參生地麥冬丹皮薄荷服五劑。復更衣。語言乃清。專用甘  
涼充津。滌熱又旬。日舌色始淡。納穀如常。改以滋陰。漸收全績。  
踰三載。聞以他疾終。

章養雲室患感。適遇猝驚。黃包二醫皆主溫補。乃至昏譫。瘕厥。  
勢極危殆。棺衾咸備。無生望矣。所親陳仰山聞之。謂云去秋顧

溫病誤補未有  
能生占孟英獨  
出手眼實發前  
入所未發

用水通精當凡  
心經熱用犀

奏雲之恙僅存一息得孟英救愈子盍圖之章遂求診於孟英

證交三十八日脈至細數無倫兩手拘攣宛如角弓之反張痰

陰、竭、竭、矣、肝、無、血、養

升自汗渴飲苦黃面赤臂穿晝夜不能合眼先與犀羚貝斛元

參連翹知母花粉膽星牛黃鼈甲珍珠竹黃竹葉竹茹竹瀝爲

方三劑兩手漸柔汗亦漸收又五劑熱退痰降脈較和而自言

自答日夜不休乃去羚斛珠黃加西洋參生地大塊硃砂兩許

太多

服之眩絮不減或疑爲癰似有搖惑之意孟英恐其再誤囑邀

許芷卿商之芷卿極言治法之絲絲入扣復於方中加青黛龍

宜乎不效

熱在心而用肝腎藥

牡服二劑仍喋喋不已孟英苦思數四徑於前方加木通一錢

角黃連等藥必  
兼木通其效乃  
捷以能引心經  
之熱從小腸出  
也

投七卽效。次日病者自云。前此小溲業已通暢。不甚覺熱。昨藥  
服後。似有一團熱氣。從心頭直趨於下。由溺而泄。從此神氣安  
謐。粥食漸加。兩腿能動。大解亦堅。忽咽腫大痛。水飲不下。孟英  
曰。餘火上炎也。仍與前方。更吹錫類散而安。惟醫瘡未斂。腿痛  
不已。乃下焦氣血傷殘。改用參耆歸芍生地合歡山藥麥冬牛  
膝石斛木瓜桑枝藕肉。數服痛止。餐加。又與峻補生肌而愈。  
吳醞香孝廉三令媛患感。諸醫首以升散。繼進溫補。至三月下  
旬。證交三十五日。昏瘞譫語。六晝夜不交睫。旬日不沾米飲。許  
芷卿視之。儼似養雲室證。卽拉孟英暨顧聽泉趙笛樓會診。脈

非此大則不足  
起証之證

絃滑而微數。齒不能開。窺其舌縮苔垢。孟英曰。尖雖卷色猶紅。潤且二便不秘。尙有一綫生機未絕也。揆其受病原不甚重。只因謬治踰月。誤藥釀成大證。勢雖危險。吾儕當協力援之。第勿再犯一味悖藥事。或有濟。醞香頗極信從。孟英復詢其服事婢。媼曰。病已踰月。腰以下得毋有磨壞之虞乎。皆曰無之。惟數日前易其所遺。略有血漬。必月事之不愆也。孟英頗疑之。囑其再易之時。留心細察。疏方以犀角四錢。石菖蒲二錢。貝母二兩。整砂不宜入。薄劑。塊。硃砂兩許。竹瀝。槐許。佐以竹葉。竹黃。竹茹。知母。花粉。元參。旋覆。絲瓜絡。葦莖。銀花。鼈甲。調下。紫雪丹。次日諸君復會。渠母徐

夫人卽云。王君明視隔垣。小女腰下果已磨穿。糜潰如梓婢媼輩粗忽。竟未之知也。昨藥服後。證亦少減。孟英仍主原方。四服後。夜始眠。瘵纔息。舌甫伸。苔乃黑。孟英於前方去鼈甲。硃砂。葛蒲。加生地。卮子。數服後。苔轉黃。大便黑如膠漆。且有痰色。蓋從前大解黃色。似乎無甚大熱。不知熱由補藥所釀。滯於腸胃。曲折之地。而不能下行。勢必薰蒸於上。致有內陷入藏之逆也。黑矢下而神識漸清。餘熱復從氣分而達。痰嗽不爽。右脈滑搏。孟英主用竹葉石膏湯。加減四劑。漸安。而外患痛楚。徹夜呻吟。雖敷以珠黃。滋以甘潤。未能向愈。孟英令以大蟾蜍治淨煮湯煎。



育陰充液之藥服之。果痛止肌生。眠食漸進。汛事如期而瘳。冬閒適張舟甫之子爲室。或疑其病雖愈而過餌涼藥恐難受孕。迨戊申夏已得子矣。

吳醞香之僕吳森。在越患感。旋杭日鼻衄數升。苔黃大渴。脈滑而洪。孟英投白虎湯二帖而安。遽食肥甘。復發壯熱。腕悶昏倦。孟英以枳實梔鼓湯而瘳。數日後又昏沈欲寐。發熱自汗。舌絳溺澀。仍求孟英診之。左尺細數而芤。右尺洪大。是女勞復也。研詰之果然。與大劑滋陰清熱藥。吞玃鼠矢而愈。

王月鋤令媳於廟見時。忽目偏左視。揚手妄言。諸親駭然。詰其

原在深處見  
有綠石沉在大壑  
黃三今瑞詩

婢○勝○素○無○此○恙○速○孟○英○視○之○脈○絃○滑○而○微○數○苦○黃○腕○悶○蓋○時○雖○  
春○暮○天○氣○酷○熱○兼○以○勞○則○火○升○挾○其○素○有○之○痰○而○使○然○也○與○犀○  
羚○卮○翹○元○參○丹○參○薄○荷○花○粉○送○礞○石○滾○痰○丸○三○服○而○痰○下○神○清○  
改○投○清○養○遂○愈○次○年○卽○誕○子○

一○婦○患○證○年○餘○藥○治○罔○效○初○夏○延○孟○英○視○之○發○熱○甚○於○未○申○足○  
冷○須○以○火○烘○痰○嗽○苦○黃○間○有○譏○語○渴○飲○無○汗○亟○令○撤○去○火○盆○以○  
生○附○子○搗○貼○涌○泉○穴○且○囑○恣○啖○梨○蔗○方○用○人○參○白○虎○湯○投○之○七○  
帖○而○年○餘○之○熱○盡○退○繼○與○養○陰○藥○而○瘳○

單○小○園○巡○檢○患○右○脇○痛○醫○與○溫○運○藥○病○益○甚○至○於○音○瘖○不○能○出○

聲仰臥不能反側坐起則氣逆如奔便溺不行湯飲不進者已三日矣。孟英診其脈沈而絛與旋覆赭石薤白婁仁連夏茹貝枳實紫苑加雪羹服之一劑知數劑愈。

一婦患帶下腰疼足心如烙不能移步孟英投大劑甘露飲而瘳。

趙子善令愛患發熱嘔吐口渴便秘而年甫三齡不能自言病苦。孟英視其舌微絳而苔色乾黃因與海蛇鼠矢竹茹知母花粉杏貝卮斛之藥二劑果下未化宿食色黯粘膩設投俗尙溫燥消導法必致陰竭而亡繼往維揚孟英臨別贈言謂其體質

勿宜溫補。次年偶病。果爲參朮殞命。惜哉。

許某於醉飽後。腹中脹悶。大解不行。自恃強壯。仍飲酒食肉。二日後腹痛。猶疑爲寒。又飲火酒。兼吸洋烟。併小溲而不通矣。繼而大渴引飲。飲而卽吐。而起居如常也。四朝走懇孟英診之。脈促。歇止。滿舌黃苔。極其穢膩。而體豐肉顫。證頗可危。因婉言告之曰。不過停食耳。且飲山查神麴湯可也。午後始覺指冷倦怠。尙能坐轎出城。到家氣逆。夜分痰升。比曉胸腹額上俱脹裂而死。蓋知下之不及。故不與藥也。

何新之亦儒醫也。患感冒。旬日。胡士揚診。謂勢欲內陷。舉家皇皇。

渠表弟沈悅亭茂才亦工歧黃而心折於孟英因拉視之呃忒  
苔膩便秘痰多心下拒按持其脈右手洪大滑數與小陷胸加  
沙參菖貝苑薤茹杏旋杷之劑數帖而安繼以甘涼二旬後得  
大解而痊何乃執柯爲王沈聯姻姪焉

翁氏婦患目疾自春徂夏治不能瘳漸至腹中痞脹痛不可當  
食不能下便秘形消孟英視之乃肝鬱痰滯而誤補以致殆也  
脈粒數而滑與金鈴子散合雪羹煎吞當歸龍薈丸暨礞石滾  
痰丸三投卽效服至二十餘日各恙皆蠲眠食如舊

仲夏瘡疹流行幼科執用套藥天札實多有王子能參軍所親

疹為陽邪乃肺  
胃溼熱所致初  
宜辛涼發散令  
其盡出不宜驟  
用寒涼恐冰伏  
熱邪不能發出  
也繼即宜大清  
肺胃之藥以解  
餘毒從未有溫  
散之法至麻黃  
尤為禁劑何兒  
科之慎慎耶

楚人劉某僅一子甫五齡。陸某見其瘡點不綻。連進檉柳等藥。  
壯熱無汗。面赤靜臥。二便不行。參軍聞其殆。遽孟英視之。投犀  
羚白虎湯。而轉機。陸某力沮。石膏不可再餌。仍進溫散。以至氣  
喘痰升。復加麻黃八分。欲圖定喘。而喘汗瀕危。二便復秘。再懇  
孟英救之。投白虎加西洋參竹葉而愈。繼有房氏子。亦為陸某  
誤用溫散。致劇痰喘。便秘口渴。神昏。溲碧。肢癢。孟英與大劑白  
虎湯。加犀角元參竹葉木通。調紫雪四帖而始安。  
李新畚仲郎瘡未齊。而痰嗽氣喘。苔色白滑。小溲不赤。或主犀  
角地黃湯。加紫雪服而不效。延孟英診之。右脈洪滑。而口渴。乃

治疹原以清肺  
爲第一義

天時酷熱暑邪薄肺挾其素有之痰而阻其治節所以氣機不行而疹不能達。苔不能化。溺不能赤也。溫散大忌。涼血亦非與。竹葉石膏湯合葦莖加杏苑旋杷海石投之。氣平疹透苔退舌紅小溲亦赤數日而愈。

杭城溫元帥例於五月十六日出巡遣疫有魏氏女者家住橫河橋之北會過其門將及天曉適有帶髮頭陀由門前趨過瞥見之大爲驚駭注目視之知爲僧也遂亦釋然而次日卽不知餓眩暈便秘醫謂神虛投補數帖反致時欲昏厥更醫作中風治勢益甚旬日後孟英持其脈絃伏而滑胸腹無脹悶之苦旬

此人初病必係血虛不足以養肝因安服溫補以收積痰蘊熱膠固不開孟英治法亦是救藥誤為多愈後必繼以滋養血液之藥方收全功此疹後血為熱毒所耗不足以

餘不更衣是驚則氣亂挾痰逆升正仲聖所謂諸厥應下者應下其痰與氣也以旋楮卮連雪羹棟貝金箔竹瀝煎汁為方并以鐵器燒紅淬醋令吸其氣二劑厥止旬日而瘳

某媼年六十餘患腰腿串痛聞響聲卽兩腿筋掣不可耐日必二三十次臥榻數載諸藥罔效孟英察脈沈絃苔膩便秘亦廣服溫補而致病日劇也與雪羹羚羊棟膽星橘絡竹瀝絲瓜絡吞礞石滾痰丸及當歸龍薈丸四劑大瀉數十次臭靛異常筋掣卽已乃去二九加卮連羊霍服六劑卽健飯而可扶掖以行矣姚令輿令郎瘡後兩腿筋掣臥則更痛幼科作風治而愈劇孟不通



養肝也與前證  
大略相同持未  
受溫補之累耳

此大實證也非  
峻攻不愈

英○以○犀○角○生○地○木○通○豆○卷○葳○蕤○桑○枝○丹○皮○卮○子○絲○瓜○絡○投○之○而○  
效○

徐○艮○生○室○年○四○十○餘○於○酷○暑○之○時○患○瘡○所○親○沈○悅○亭○連○與○清○解○  
不○能○殺○其○勢○爲○邀○孟○英○視○之○體○厚○痰○多○脈○甚○滑○數○揚○擲○譫○妄○舌○  
絳○面○赤○渴○飲○便○瀉○乃○與○大○劑○白○虎○加○犀○角○元○參○銀○花○花○粉○貝○母○  
竹○黃○竹○葉○竹○茹○竹○瀝○送○滾○痰○丸○服○後○大○便○下○如○膠○漆○脈○證○漸○和○  
數○日○後○去○丸○藥○其○勢○復○劇○甚○至○發○厥○仍○加○丸○藥○乃○平○如○是○者○三○  
次○險○浪○始○息○悅○亭○復○以○白○金○丸○滌○其○膈○下○留○痰○續○用○甘○涼○濡○潤○  
法○充○津○液○而○搜○餘○熱○漸○以○告○愈○

吳天士醫驗錄  
有寒中經絡之  
證與此正相對  
待可見病證有  
寒即有熱不可  
執一而論也

沈新予令岳母陡患昏厥速孟英視之病者樓居酷熱如蒸因  
曰此陰虛肝陽素盛之體暑邪吸入包絡亟宜移榻清涼之地  
隨以紫雪丹一錢新汲水調下可安而病者自言手足已受縲  
紲堅不肯移家人驚以爲祟聞而束手孟英督令移之如法灌  
藥果即帖然

徐氏婦重身而患四肢疼痛不可屈伸藥之罔效或疑爲癱瘓  
任殿華令其舍專科而質於孟英診曰暑熱入於隧絡耳吾室  
人曾患此愈以桑枝竹葉扁豆葉絲瓜絡羚羊豆卷知母黃芩  
白薇卮子者照方服之果即得愈

陳氏婦素無病。婉後甚健。乳極多而善飯。六月初形忽遽瘦。猶疑大熱使然。漸至減餐。所親徐麗生囑延孟英視之。脈細數。舌光絳。曰急勞也。無以藥爲。夫乳者血之所化也。乳之多寡。可徵血之盛衰。茲乳溢過中。與草木將枯。精華盡發於外者何異。卽今斷乳亦不及矣。其家聞之。尙未深信。卽日斷乳服藥。及秋而逝。

吳醞香孝廉令孫兌官患發熱洞瀉。大渴。溲少。涕淚全無。孟英曰。暑風行於脾胃也。以沙參生薏苡生扁豆銀花石斛滑石甘草竹葉冬瓜皮澄地漿煎服。數日而痊。按此等證。幼科無不作。

驚風治因而夭折者多矣。

蔣北甌二尹患瘧醫與小柴胡平胃散而漸甚繼以大劑溫補勢瀕於危復用桂枝白虎狂亂如故所親董蘭初齏尹延孟英視之曰暑瘧也桂枝白虎用於起病之時則妙矣今爲溫散補燥諸藥助邪燥液脈數無倫汗渴不已雖宜白虎豈可監以桂枝助熱耗津而自掣其肘耶因與大劑白虎加花粉竹葉西洋參元參石斛服之卽安至十餘帖瘧始瘳而舌尙無苔渴猶不止與甘涼濡潤三十餘劑始告痊。

孫心言以七十之年患滯下胡某知爲暑熱以清麟丸下之治

頗不謬。繼則連投木朴夏葛等藥。漸至咽疼口糜。呃忒噤口。諸醫進補。其勢孔亟。伊壻童秋門近孟英診之。右脈滑數。上溢身熱。面赤溲瀉。無眠體厚。痰多時欲出汗。在痢疾門中。固爲危候。第以脈證參之。豈是陽虛欲脫。實由升散溫燥之劑。燂其陰液。肺胃之氣窒塞而不能下行也。與大劑肅清之藥。一劑知。二劑已。隨以生津藥。溉之。痢亦尋愈。按此等痢。呃古書未載。而治法懸殊。世人但守成法。不知變通。治而不愈。諉之證危。况屬高年病家。亦不之咎也。孰知有此隨時而中之妙法耶。

曹泳之二尹將赴代理昌化任。而瘧痢竝作。寒少熱多。滯下五

色逆孟英視之而垢苔黃乾嘔口渴痛脹渴赤汗出神疲脈至  
洪數不清與大劑芩連滑朴知母花粉銀花石膏連翹竹茹等  
藥投七卽減三服而起

陳那眉令郎孟秋患感醫與表散溫補病隨藥劇至八月初渠  
叔祖陳靄山延孟英視之目瞪神呆氣喘時作舌絳不語便瀉  
稀水肢搐而厥人皆以爲必死矣察其脈絃而爽數乃陰虧肝  
盛之質提表助其升逆溫補滯其樞機痰飲軋輻風陽肆橫禱  
神驅祟有何益哉與鼈甲龍牡旋赭芩連棟貝菖茹膽星犀羚  
等藥息風鎮逆清熱蠲痰數帖而平

龔念匏室故舍人汪小米之女也。患秋感。服溫散藥而日重。渠叔母韓宜人請援於孟英。瓜見絃數。稟滑苔黑肢癢。疏方用沙參。元參。知母。花粉。犀羚。茹貝。卮菖等藥。曰。亟餌之。否將厥矣。時念匏幕於江南。族人皆應試入場。侍疾者多母黨。伊叔少洪疑藥涼。不敢與服。迨暮果欲厥矣。眾皆皇皇。幸彼女兄爲故孝廉金訪叔之室。頗具卓識。急煎孟英方灌之。遂得生機。次日復診脈較和。一路清涼。漸以向愈。

仲秋久雨。吳汾伯於鄉試後患恙。自言坐於水號。浸及於膝。人皆以爲寒溼之病。孟英切脈甚數。漫赤苔黃。口乾燥。哈因謂其

尊人醞香曰。病由暑溼。而體極陰虧。已從熱化。不可以便泄而  
稍犯溫燥之藥。先與輕清肅解。繼用甘涼撤熱。漸能安穀。半月  
後熱始退盡。而寢汗不眠。投以大劑滋填潛攝之藥。兼吞五味  
子磁硃丸數十帖。乃得康復。此證誤治卽敗。少謬亦必成損。苟  
非識信於平日焉。能誠服於斯時。聞其寢汗不收。夜不成寐之  
別。旁言嘖嘖。孟英恐其主意必致全功盡棄。囑其邀顧聽泉許  
其卿質政。而顧許咸是孟英議。於是主人之意益堅。而大病乃  
痊。吁。談何易耶。

張慈齋室自春間半產後發熱。有時迄於季秋。廣服滋陰之藥。



竟不能愈。其大父陳靄山延孟英診脈。按之豁然。投當歸補血湯而熱退。繼以小建中愈之。此藥人用後。見醫在証。證不在執方也。

俞博泉令郎患感。卽兼腹痛而脹。胡某投以溫散。二便不行。昏、大渴、舌苔黑刺。孟英以犀翹棟薄。卮連花粉。元參大黃服之。使下神清。爲去犀角加丹皮二帖。苔化熱退。惟少腹梗脹。不甚知饑。改投卮連棟蒺延胡橘核菴蓉花粉製軍諸藥。連解黑矢。漸以向安。正欲養陰之際。而惑於旁言。另招金某。服大劑溫補藥。以圖元氣驟復。不知餘燼內燔。營受灼而血上溢。液被燥而肌漸消。猶謂吐血宜補。形瘦爲虛。竟竭力補死而後已。

周同甫患癰多汗。醫恐其脫。與救逆湯而勢劇。孟英視之曰。溼瘡耳。溼家多汗無恐也。況口渴溺赤。溫補勿投。與清解藥漸安。繼而乃翁秋叔病初服溫補。病進。更醫知爲伏暑。與藥數劑。熱果漸退。偶延孟英診之。尺中甚亂。因謂其姪赤霞曰。令叔之證。必不能起。吾不能藥也。已而果然。

許守存久患痰嗽。孟英主滋水舒肝法。以陰虧而兼鬱也。業已向愈。所親某亦涉獵醫。請滋陰藥。不可過服。投以溫補。已而咳嗽復作。漸至咽痛。冬初又延診於孟英。曰。六脈皆數。見於水令其不能春乎。果驗。世人不辨證之陰陽。但論藥之涼熱。因而僨。

通達之論凡病  
俱宜如此看

事者多矣。

朱砥齋司李之夫人。屢患半產。每懷妊。服保胎藥。卒無效。今秋  
受孕。後病嗽。孟英視之。盡屏溫補。純與清肺。或詰其故。曰。胎之  
不固。或由元氣之弱者。宜補正。或由病氣之侵者。宜治病。今右  
寸脈滑大搏指。吾治其病。正所以保其胎。苟不知其所以然。而  
徒以俗尙保胎之藥。投之。則肺氣愈壅。欬逆愈甚。震動胞系。其  
胎必墮矣。朱極欽佩。服之良效。次年夏。誕子甚茁壯。  
項肖卿家。擁厚貲。人極好善。年甫三十五歲。體甚壯偉。微感冬  
溫。門下醫者。進以薑桂之劑。卽覺躁擾。更醫迎媚。徑用大劑溫。

補兩帖後發狂莫制。又招多醫會診。僅以青麟丸數錢服之。所親梁楚生宜人聞其危。速孟英視之。業已決裂不可救藥甚矣。服藥之不可不慎也。富貴之家可爲炯戒。

邵奕堂室以花甲之年。仲冬患喘嗽。藥之罔效。坐而不能臥者旬日矣。仁診於孟英。邵述病原云。每進參湯則喘稍定。雖服補劑仍易出汗。慮其欲脫。及察脈絃滑右甚。孟英曰。甚矣。望聞問切之難。不可胸無權衡也。此證當憑脈設治。參湯切勿沾唇。以括婁薤白。旋覆蘇子。花粉杏仁。蛤殼茯苓。青黛海蛇爲方。而以竹瀝煎汁和服。投七卽減。十餘帖全愈。同時有石媼者。患此極

相似脈見虛絃細滑孟英於沙參蛤殼旋覆杏仁蘇子貝母桂枝茯苓中重加熟地而瘳所謂病同體異難執成方也

許太常漢生之夫人患腿痛而素多噫氣若指頭一搓或眉間一抹其噫卽不已向以爲虛在都時服補劑竟不能愈冬閒旋里孟英診脈絃滑乃痰阻於絡氣不得宣也以絲瓜絡竹茹旋復橘絡羚羊茯苓豆卷金鈴柿蒂海蛇勑薤藕爲方吞當歸龍薈丸而安其媳爲阮芸臺太傅之女孫在都因喪子悲哀患發厥屢服補劑以致汎愆或疑爲娠孟英曰脈雖絃數以滑乃痰挾風陽而爲厥也與大劑蠲痰息風舒鬱清營之劑漸以獲愈

歛人吳永言於十年前讀論語不撤薑食之文因日服之雖盛  
夏不輟至三年前患大溢血雖以涼藥治瘳而時時火升迄今  
不愈季冬就診於孟英身不衣綿頭面之汗蓬蓬也且云服苓  
連則煩渴益甚以苦能化燥也用生地卽悶滯不飢以甘能緩  
中也蔗梨入口亦然按其脈沈取滑數是從前之積熱深伏於  
內與白虎湯去草米加竹葉竹茹花粉海蛇勃薺銀花綠豆恣  
服漸吐膠痰而愈繼聞趙秋舫進士令郎子循每啖蔗則鼻衄  
必至或疑蔗爲大熱之性孟英曰蔗甘而涼然甘味太重生津  
之力有餘涼性甚微蕩熱之功不足津虛熱不甚熾者最屬相

精透之論由斯  
類推可以知藥  
性之功能矣

宜風溫證中救液之良藥吾名之曰天生復脈湯若溼熱痰火  
內盛者服之則喻氏所謂翻受胃變從而化熱矣凡藥皆當量  
人之體氣而施豈可拘乎一定之寒熱耶子循之體水虛而火  
旺者也蔗性不能敵反從其氣而化熱正如蔗經火煉則成糖  
全失清涼之本氣矣枸杞子亦然

李華甫繼室娠三月而崩孟英按脈絃洪而數與大劑生地銀  
花茅根柏葉青蒿白薇黃芩續斷驢皮膠藕節胎髮灰海螵蛸  
而安奈不能安佚越數日胎墮復崩孟英於前方去後六味加  
犀角竹茹元參爲治或謂胎前宜涼產後則否乃招專科暨蕭

山竹林寺僧治之。咸用溫藥。且執暴崩宜補服藥數劑。虛象日著。時時汗出。昏暈畏聞人聲。嬾言息微。不食不眠。間有呃忒。崩仍不止。皆束手待斃矣。復邀孟英視之。曰。此執死書以治活病也。夫血因熱而崩。胎因崩而墮。豈胎墮之後。熱卽化爲寒乎。參朮薑桂棧灰五味之類。溫補酸澀。既助其熱。血益奔流。又塞其氣。津亦潛消。致現以上諸證。脈或不知。而苔黃黑燥。豈不見乎。因與犀角石膏元參知母花粉竹瀝麥冬銀花卮子石斛旋覆青蒿白薇等大劑投之。神氣漸清。旬日後各恙始平。繼去犀角加生地服兩月全愈。



# 小引

余承世業幼讀醫書而閱歷三十年愈覺斯道之難精竊謂宋元以來名家夥矣無不立言有所偏倚若薛立齋張會卿趙養葵李士材之派則其尤甚者也 國朝一切著述莫不邁越前古醫林自喻氏崛起之後羣賢迭出於斯爲盛然張路玉精於論溫而勞損之陰陽不別徐靈胎通乎古今之變而拘守柴胡以治瘧雖尺有所短而瑕不掩瑜彼柯韻伯之辨而好爲穿鑿黃坤載陳修園之博而偏於溫燥坐而言則可起而行則礙以吳鞠通之明而混疫於溫致招章虛谷之議更不知霍亂有寒

熱之分則尤陋矣此孟英霍亂論之所由述也余讀其書神交  
數載幸一葦可杭復蒙寄示同春醫案二卷展繹之餘益信其  
抱有猷有爲有守之才故能鑄古鎔今隨機應變可以坐而言  
可以起而行不愧爲一代之名家今春來越視檇里王姓之證  
始得把臂快慰平生賞奇析疑別聆妙悟翻恨相見太遲致余  
聞道之晚也且知尙有仁術志一書乃張趙諸君輯其近案猶  
未梓行余不敏敢不步塵續采以當執鞭之忻慕乎

王氏醫案續編卷四

原名仁術志

杭州王士雄孟英醫案

山陰陳

坤載安續輯

丁未春金朗然令堂。陡吐狂血。肢冷自汗。孟英切脈絃澀。察血紫黯。乃肝鬱凝瘀也。證雖可愈。復發難療。予丹參、丹皮、羌蔚、旋覆、芥、卮柏、葉鬱、金海、蛇之方。覆杯果愈。然不能懲忿。踰二年復吐。竟不起。

張孟臯少府令堂。年踰古稀。患氣逆。殿屎煩躁不寐。孟英切脈滑實。且便閉。面赤舌絳。痰多以承氣湯下之。霍然。踰年以他疾

終。

王致青。齏尹令正。患痰喘。胡某進補腎納氣。及二陳三子諸方。證瀕於危。顧昇庵參軍。令延孟英診之。脈沈而澀。體冷自汗。宛似虛脫之證。惟二便不通。腕悶苔膩。是痰熱爲補藥所遏。一身之氣機窒痺而不行也。與婁蓀。旋赭。杏貝。卮薤。兕鈴。海蛇。竹瀝。等以開降。覆杯卽減。再服而安。

王滙泊室。年踰六旬。久患痰嗽。食減形消。夜不能眠。寢汗舌絳。廣服補劑。病日以增。孟英視之。曰。固虛證之當補者。想未分經辨證。而囫圇顚預。翻與證悖。是以無功。投以熟地。菴蓉。坎板。胡。

桃○百○合○石○英○茯○苓○冬○蟲○夏○草○等○藥○一○劑○知○旬○日○愈○以○其○左○脈○絛○  
細○而○虛○右○尺○寸○皆○數○爲○陰○虧○氣○不○潛○納○之○候○及○問○前○服○方○果○雜○  
用○耆○朮○以○助○氣○二○陳○故○紙○附○桂○等○以○厚○陰○也○宜○乎○愈○補○而○愈○劇○  
矣○

張○篋○百○之○室○患○感○連○服○溫○散○繼○邀○顧○聽○泉○診○之○云○有○驟○變○須○延○  
孟○英○商○治○渠○不○之○信○旬○日○後○倏○然○昏○厥○自○寅○正○至○辰○初○不○甦○病○  
者○之○兄○吳○次○歐○速○孟○英○視○之○脈○伏○而○絛○滑○與○大○劑○犀○羚○茹○貝○知○  
母○花○粉○元○參○銀○花○調○局○方○至○寶○丹○灌○下○卽○安○

趙○子○循○患○喉○痺○渠○叔○箭○樓○用○大○劑○生○軍○下○之○而○藥○不○能○入○孟○英○

病在上而用瀉藥腸胃之藥殊未合法

以錫類散吹之。卽開與白虎法而瘥。

王雪山令媳患心悸眩暈。廣服補劑。初若甚效。繼乃日劇。時時出汗。肢冷息微。氣逆欲脫。灌以參湯。稍有把握。延踰半載。大費不貲。莊芝階舍人令延孟英診視。脈沈絃。且滑。舌絳而有黃膩之苔。口苦。溲熱。汛事。仍行病屬痰熱。轉誤補則氣機壅塞。與大劑清熱滌痰藥。吞當歸龍薈丸服之。漸以向安。仲夏卽受孕。次年二月誕一子。惜其娠後停藥。去疾未盡。晚後復患悸暈。不眠。氣短不饑。或作產後血虛治。不效。仍請孟英視之。脈極滑數。曰病根未刈也。與蠲痰清氣法果應。

此證雖經仲景指出而人多不識往往雜藥亂投卒至肝腫而死醫家病家兩俱茫然孟英此案可爲仲景之功臣矣

許子雙令堂梁宜人仲春之杪偶患微感醫與溫散熱已漸退孟英偶過診右寸脈促數不調因謂子雙曰此風溫證其誤表乎恐有驟變渠復質之前醫以爲妄論仍用溫燥越二日卽見肝腫再延孟英診之促數尤甚曰鼻息肝矣必至語言難出仲聖豈欺我哉風溫誤汗往往皆然況在高年殊難救藥果決句而逝

姚某年未三旬烟癮甚大適伊母病溫而歿勞瘁悲哀之際吸受溫邪脇痛筋掣氣逆痰多熱壯神昏莖縮自汗醫皆束手所親徐麗生囑其速孟英診之脈見芤數舌絳無津有陰虛陽越

吸食鴉片之人  
津液素虧感受  
溫邪較平人倍  
重非此標本并  
治之劑必不救  
矣

熱熾液枯之險况初發卽爾其根蒂之不堅可知與犀羚元參  
知母壯水息風蕤蓉棟實鼠矢石英潛陽鎮逆沙參麥冬石斛  
葳蕤益氣充津花粉卮子銀花絲瓜絡蠲痰清熱一劑知四劑  
安隨以大劑養陰而愈

周光遠無疾而逝其母夫人年踰七旬遭此慘痛漸生咳嗽氣  
逆痰鹹夜多漩溺口苦不饑孟英曰根蒂虛而兼怫鬱也與沙  
參甘草麥冬熟地龜板石斛貝母蛤殼小麥大棗而安迨夏開  
吸暑而患腹痛滯下小溲熱澀其嗽復作脈仍虛絃略加與數  
但於前方增滑石吞香連丸而瘳因平昔畏藥既愈卽停至仲

去暑

治痢



此因不兼外邪  
故加五味牛膝  
等藥徑固其本  
若少兼外邪者  
斷不可用

秋嗽又作。惟口不苦而能食。因於前方去沙參。加高麗參。五味。石英。牛膝。熬膏。頻服。而痊。十月下旬。天氣驟冷。陡患吐瀉。腹痛。肢冷音嘶。急邀孟英視之。脈微爲寒邪直中。亟與大劑理中。加吳萸。橘皮。杜仲。故紙。石脂。餘糧。而瘳。其夫人亦因悲鬱而患崩漏。面黃腹脹。寢食皆廢。孟英用龜板。海螵蛸。女貞。旱蓮。貝母。柏葉。青蒿。白薇。小麥。茯苓。藕肉。蓮子。心。而康。次年夏。其母夫人患溫邪痰嗽。脘悶汗多。孟英投石膏。竹茹。知母。花粉。旋覆。貝母。麥仁。紫苑。等藥。三十劑而愈。聞者無不歎異。

胡季權令正。許子雙之女弟也。初於乙巳患乳房結核。外科雜

此孔巖之漸也。豈有用補之理。

脈至細數則驗  
竭陽元不拘何  
病均忌此脈而  
虛勞爲尤甚

投溫補核漸增而疼脹日甚。馴致形消。汎愆夜熱。減餐。骨痠於  
牀。孟英診曰。鬱損情懷。徒補奚益。初以蠲痰開鬱之劑。吞當歸  
龍薈丸。痛脹遞減。熱退能餐。月事乃行。改投虎潛加減法。服半  
年餘而起。凡前後計用川貝母七八斤。他藥稱是。今春因哭母  
悲哀。陡然發厥。與甘麥大棗加龍牡龜鼈磁硃金箔龍眼而安。  
王小谷體厚善飲。偶患氣逆。多醫咸從虛治。漸至一身盡腫。酷  
肖回春錄所載康副轉之證。因懇治於孟英。脈甚細數。舌絳。無  
津。間有譫語。乃真陰欲匱。外候雖較輕於康。然不能收績矣。再  
四求疏方。與西洋參元參二地二冬。知母花粉。茹貝竹瀝。葱鬚。

溫散惟宜於傷寒何可亂投且既已見疹則肺胃之熱已現於外矣與柴胡湯有何干涉此醫直是不通

等藥三劑而癰腫全消舉家忻幸孟英以脈象依然堅辭不肯承手尋果不起

朱敦書令愛患感醫投溫散服二劑遍身麻瘡凡事適來醫進小柴胡湯遂狂妄莫制乞援於孟英脈至洪滑絃數目赤苔黃大渴不寐是瘡因溫邪而發所以起病至今時時大汗何必再攻其表汎行爲熱迫於營胡反以薑棗溫之參柴升之宜其燎原而不可遏也與大劑犀角元參生地石膏知母花粉銀花竹葉貝母白薇以清衛涼營服後卽眠久而未醒或疑爲昏沈也俗情可哂屢爲呼喚病者驚寤卽令家人啓篋易服穿鞵梳髮告別父母

此即一呼喚之效也。云欲往花神廟歸位人莫能攔舉家痛哭急迓孟英復視脈象依然囑其家靜守勿哭仍以前方加重和以竹瀝童洩灌下即安繼用養陰清熱而愈。

瞿穎山仲媳許培之之妹也。患舌糜沈悅亭知其素稟陰虧虛火之上炎也。與清涼滋降之法及硃黃等敷藥而不愈。乃兄延孟英往視。舌心糜腐黃厚。邊尖俱已無皮。湯飲入口。痛不可當。此服藥所不能愈者。令將錫類散糝之。果即霍然。或疑喉藥治舌何以敏捷如斯。孟英曰。此散擅生肌蝕腐之長。不但喉舌之相近者可以借用。苟能隅反。未可言醫貴用者之善悟耳。且糜。

腐厚膩。不僅陰虛。要須識此。自知其故。

高祿卿室吳濂仲之妹也。孟夏分娩發熱。初疑蒸乳。數日不退。

產科治之。知挾溫邪。進以清解。而大便溏泄。遂改溫燥。其泄不

此邪去之機。緣力不聚。遂為所

減。另招張某視之。因謂專科誤用。婁仁所致。與參耆薑朮鹿角

肉果等藥。泄瀉愈甚。連服之。熱壯神昏。汗出不止。勢頻於危。醞

香孝廉徐夫人病者之從母也。心慈似佛。有子十人。皆已出。聞

其殆。夤夜命四郎季眉請援於孟英。按脈洪數七至。口渴苔黃。

洞瀉如火。小渡不行。因謂季眉曰。病猶可治。第藥太驚人。未必

敢服。季眉堅欲求方。且云在此監服。乃疏白頭翁湯加石膏犀

方違古法並不  
驚人特讀立齋  
最良書者見之  
未免吃驚耳

不意斯省名手  
扭捏虛構如此  
與不施不顯符  
於景岳立齋諸  
公矣

角銀花知母花粉竹葉卮棟桑葉與之次日復診脈證較減仍  
用前方而病家羣譁以爲產後最忌寒涼况洞泄數日乎仍招  
張某商之張謂幸我屢投溫補在前否則昨藥下嚙頃刻亡陽  
復定耆朮之方業已煎矣所親張芷舟孝廉聞之飛告於醞香  
處汾伯昆季卽馳至病家幸未入口奪琰傾之索孟英方煎而  
督灌且囑羣季輪流守視免致再投別藥孟英感其情誼快舒  
所長大劑涼解服至七帖瀉全止熱盡退乃去白頭翁湯加生  
地元參茹貝服半月始解黑色燥矢而眠食漸安第府藏之邪  
雖已清滌而從前溫補將熱邪壅滯於膜絡之閒者復發數癰

於胸乳之間。孟英令其恪守前法。複入蒲公英。絲瓜絡。橘葉菊  
葉等藥。服至百劑。始告全愈。而天癸亦至。孟英曰。世俗泥於產  
後宜溫之謬說。况兼泄瀉。即使溫補而死。病家不怨。醫者無憾  
也。或具隻眼。誰其信之。此證苟非汾伯。昆仲篤信於平時。而力  
排眾論於危難之間。余雖見到不疑。亦惡能有濟耶。余嘗曰。病  
不易識。尤不易患。醫不易薦。尤不易任。藥不易用。尤不易服。誠  
宇宙間第一難事也。而世人淺視之。可不悲哉。

趙秋舫進士。去秋患左半不遂。伊弟笛樓暨高弟許芷卿茂才。  
主清熱蠲痰治之。未能遽效。邀孟英診之。脈甚遲緩。苔極黃膩。

便祕多言。令於藥中和入竹瀝一椀。且以龍薈滾痰二丸相間。用藥甚合。法何於。服之。遇幾處未見。照。加此。而止。殊少。著後之法。而投二丸。各用斤許。證始向愈。今春出房。眠食已復。而素嗜厚味。不戒肥甘。孟夏其病陡發。孟英診之。脈形滑駛如蛇。斷其不起。秋初果歿。

吳灃門年踰花甲。素患脘痛。以為虛寒。輒服溫補。久而益劇。孟英診曰。肝火宜清。彼不之信。延至仲夏。形已消瘦。倏然浮腫。脇背刺痛。氣逆不眠。心辣如焚。善嘔畏熱。大便時瀉。飲食下嚥。即吐。諸醫束手。乃懇治於孟英。脈絳。更而數。與竹茹黃連枇杷葉知母。卮朮旋赭等藥。而吐止。飲食雖進。各恙未已。投大劑沙參。

辨現諸證俱屬  
痰熱與眩暈之



脈相合但英則  
根抵不堅初方  
乃急則治標之  
法次方乃顧及  
根本亦不易之  
次第也

生○地○龜○板○鼈○甲○女○貞○旱○蓮○桑○葉○丹○皮○銀○花○茅○根○茹○貝○知○柏○枇○杷○  
葉○菊○花○等○藥○出○入○爲○方○二○三○十○劑○後○周○身○發○疥○瘡○而○腫○漸○消○右○  
耳○出○粘○稠○膿○水○而○瀉○止○此○諸○經○之○伏○熱○得○以○宣○泄○也○仍○以○此○藥○  
令○其○久○服○迨○秋○始○愈○冬○閒○能○出○門○矣○

比○邱○尼○心○能○體○厚○蹣○跚○偶○患○眩○悸○醫○以○爲○虛○久○服○溫○補○漸○至○發○  
腫○不○饑○仲○夏○延○孟○英○視○之○脈○甚○絳○滑○舌○色○光○絳○主○清○痰○熱○盡○撤○  
補○藥○彼○不○之○信○仍○服○八○味○等○方○至○季○夏○再○屈○孟○英○診○之○脈○數○七○  
至○眠○食○盡○廢○不○可○救○藥○矣○果○及○秋○而○茶○毘○

金○葉○仙○大○令○病○其○媳○刳○股○以○進○因○無○效○也○悲○哀○欲○絕○遂○發○熱○胡○

某治以傷寒藥。而神迷自汗。驚惕畏冷。改換補藥。乃氣逆不進。水穀矣。孟英視之。七情有傷。痰因火迫。堵塞空靈之所也。與沙參。元參。丹參。丹皮。茯苓。麥冬。連翹。竹茹。竹葉。蓮心。小麥。加以川貝母。一兩投之。數劑而瘥。

李竹虛令郎。初秋患感。醫聞便溏而止之。乃至目赤。譫妄。舌絳。苔黃。漉漉。善嘔。粒米不能下咽。孟英先與犀角。石膏。竹葉。竹茹。枇杷葉。茅根。知母。花粉。梔子。以清之。嘔止。神清。熱亦漸緩。繼以承氣湯。加減三下。黑矢黃苔始退。卽能啜粥。以其右關尺遲緩有力。故知有燥矢也。續投甘涼調理而痊。

朱養之令弟媳初患目赤服藥後漸至滿面紅腫壯熱神昏醫者束手孟英切脈洪實滑數舌絳大渴腹微脹以酒洗大黃犀角元參滑石甘草知母花粉銀花黃芩連翹薄荷菊花丹皮兩下之徑愈。

都城售透土長壽丹極言其功之大能治諸疾而價甚廉人皆稱之孟英謂勿論其所用何藥執一方以療百病無此治法每以稟賦不齊證因有別勸人切勿輕嘗况以綠豆湯爲引必有熱毒之品在內不可不慎也繼而張孟舉少府餌之患疽廣興亭司馬服之咽爛孟英投多劑甘寒而愈王雪山久患下部畏

冷吞未百丸齒痛目赤諸恙蜂起孟英察脈絃滑與多劑石膏藥兼以當歸龍薈丸頻服新疾既瘳腿亦漸溫令其常飲柿餅湯以杜將來之恙伊弟患腹脹而喜服溫補久而不效孟英曰淫熱也宜清化彼不信因服透土丹初頗應已而血大溢始得悔悟志此數則以爲世之好服奇藥者戒

廣孔愚司馬之大公子仲秋患閒癢寒少熱多面目甚黃苦膩大渴腹脹溺赤仍能納穀且素嗜肥甘不能搏節孟英按其脈滑實而數與承氣加知芩半貝翹連滑石石膏大腹花粉之類二十餘劑而始愈是膏粱挾暑淫熱之治也

凡陰虛之體血  
不足以養肝則  
肝陽易僭用大  
劑鎮逆養陰開  
鬱治法絲絲入  
扣宜乎應手輒  
效也

變證雖多不  
肺胃二經  
得其主腦  
難愈之證

王瘦石稟屬陰虧卒聞驚嚇之聲而氣逆肢冷自汗息微速孟  
英視之身面皆青綠之色脈沈絃而細乃素傷憂慮而風陽陡  
動也與牡蠣四兩龍甲二兩蛤殼一兩石英五錢龍齒小麥辰  
砂麥冬茯神貝母竹茹爲方一劑知二劑已續以滋養而瘳  
陳書伯庶常令弟保和年未冠患失音咽痛孟英與犀羚石膏  
元參豆根牛蒡射干等大劑清肅之藥音開而咽糜吹以錫類  
散糜愈而疹點滿布左目及耳後皆腫方中加以鮮菊葉二兩  
疹愈痰嗽不已仍主前法服三十餘帖而痊此證脈滑且數口  
大渴初終未曾誤藥故能愈其庶母同時患喉糜而頭偏左痛

心悸欲嘔壯熱煩躁脈絃細數孟英曰此兼陰虧風動也初以犀羚元參菊花丹參卮子桑葉馬勃投之外吹錫類散咽愈熱退續用二至二冬生地石英茯苓龜板茯苓滋陰潛陽而瘳又其二令妹亦患喉疹汎事通行四肢痠痛略難舉動氣塞於咽孟英診脈絃滑以犀羚旋楮茹貝堯鈴牛蒡射干豆根花粉銀花此○調○事○清○熱○細○微○而○已○須○合○三○藥○而○細○海蛇竹瀝絲瓜絡等出入爲方兼吹錫類散而瘳

吳爾純八月下旬患滯下腹痛異常伊外祖許仲廉延孟英往診形瘦脈數而絃口渴音微潮澀乃陰分極虛肝陽熾盛伏暑爲痢治法不但與寒痢迥異卽與他人之伏暑成痢者亦當分

此濕勝於熱之  
暑證也以其濕  
勝故不甚現熱  
證最足眩人斷  
爲暑溼足徵卓  
識

別用藥也與白頭翁湯加知母花粉銀花丹皮金鈴延胡沙參  
芩連服之次日復視痢減音開而右腹疼脹拒按爲加冬瓜子  
烏藥鼠矢三劑而消滯下亦愈惟薄暮火升面赤自汗重加介  
類潛陽而痊

此方領及心腹虛

楊某患感旬日初則便澹醫與溫散瀉止熱不退晝夜靜臥飲  
食不進孟英診脈遲緩浮取甚微目眊舌色光紅口不渴溲亦  
行胸腹無所苦語嬾音低尋卽睡去是暑溼內伏而有燥矢在  
胃機關爲之不利也先與清營通胃藥二劑熱退舌淡而脈證  
依然加以酒洗大黃省頭草卽下堅黑燥矢甚多而睡減啜粥

繼以涼潤旬日而痊。

陳春湖令郎子莊體素弱季秋患腹痛自汗肢冷息微咸謂元虛欲脫孟英診之脈雖沈伏難尋而苔色黃膩口乾溺赤當從證也與連樸棟扈元胡蘆砂醒頭草等藥而康次年患感復誤死於補又夏醞泉延孟英視錢姬腹痛欲絕證因見絃滑之脈與當歸龍薈丸而安

朱湘槎令媳患小溲澀痛醫與滲利反發熱頭疼不饑口渴夜不成眠孟英診之脈細數乃陰虛肝鬱化熱生風津液已燥豈容再利與白薇扈子金鈴知母花粉紫苑麥冬石斛菊花服之



愈後仍當以滋陰藥後

即愈其姪新泉之室懷娠患痢醫投溫燥止澀腹痛甚而偏身發黃飲食不思孟英視之暑溼也與芩連銀花茅根桑葉卮朮竹葉茵陳冬瓜皮而愈

吳醞香大令仲媳汛愆而崩之後脘痛發厥自汗肢冷孟英脈之細而絃滑口苦便澀乃素體多痰風陽內鼓雖當崩後病不在血與旋赭羚茹枳貝薤婁蛤殼爲方痛乃漸下厥亦止再加金鈴延胡菴蓉鼠矢服之而愈迨季冬因卒驚發狂笑罵不避親疎孟英察脈絃滑而數與犀羚元參丹皮丹參卮子菖蒲竹葉龍甲竹瀝吞當歸龍薈丸息風陽以滌痰熱果數劑而安然

用藥中用硃砂者宜另研冲服不可同入煎劑

平時喜服補藥。或有眩暈。不知爲風痰內動。益疑爲元氣大虛。孟英嘗諫阻之。而彼不能從。至次年季春。因傷感而狂證陡發。毀器登高。更甚於昔。孟英視之。苦黑大渴。與前方加眞珠牛黃服之。苦色轉黃。絃滑之脈略減。而狂莫可制。改以石膏硃砂鐵落菖蒲青黛知母膽星鼈甲金鈴旋覆元參竹瀝爲大劑。送礞石滾痰丸四服。而平。繼而腳氣大發。腹痛便秘。上衝於心。肢冷汗出。昏暈欲厥。與連棟后茹小麥百合旋貝元胡烏藥雪羹石英鼠矢黃柏藕等藥而安。徐氏婦懷妊。患痢。醫投溫補。胸腹痛極。昏厥咽糜。水飲礙下。孟

英診之脈洪數舌絳燥亟吹錫類散灌以犀角元參海蛇茹貝  
卮菀知斛豆根射干銀花棟實諸藥胎下已朽咽腹之疾隨愈  
續用甘涼清熱存津調之

許培之令祖母年踰七旬久患淋漏屢發風斑孟英持其脈絃  
而滑舌絳口乾每以犀角生地二至芩蒿白薇元參龜板海螺  
之類息其暴甘露飲增損調其常人皆疑藥過涼孟英曰量體  
裁衣稟屬陽旺氣血有餘察其脈色治當如是病者乃云十餘  
年前偶患崩而廣服溫補遂成此恙始知先天陽氣雖充亦由  
藥釀爲病秋杪患寒熱如瘧善怒不眠苦渴易饑不能納食孟

英察脈絃數倍常與清肺蠲痰柔肝充液之法漸以向安今冬有薦吳古年診治者詢知病原作高年脫營論而以血脫益氣裁方初服三四劑飲食驟增舉家忻幸已而血漏甚多眠食欲廢復延孟英視之仍主前議果得漸康

王天成牙行一婦年五十餘初患左目赤漸至發熱醫投溫散便泄而厥進以補劑少腹宿痕攻痛勢極危殆丐孟英診之脈甚絃與舌絳而渴與莖蓉橘核當歸元胡龜板石英螵蛸茯苓卮棟萸連數服而安踰年以他病卒

何新之令愛適湯氏孟冬分娩次日便瀉一次即發熱痙厥譫

有是病則有是藥不拘拘於達後之元虛此明醫之所以異於庸醫也

痰火爲患十人常居八九而醫

語昏狂舉家皇皇乃翁邀孟英審之脈絃滑惡露仍行曰此胎前伏暑乘新產血虛痰滯而發也與大劑犀羚元參竹葉知母花粉卮棟銀花投之徧身得赤疹而瘰止神清乃翁隨以清肅調之而愈

胡秋穀令愛年甫笄往歲患眩暈孟英切其脈滑作痰治服一二劑未愈更醫謂虛進以補藥頗效渠信爲實然今冬復病徑服補藥半月後眠食皆廢聞聲驚惕寒顫自汗肢冷如冰以爲久虛欲脫乞援於孟英脈極細數目赤便秘胸下痞塞如枳力辨其非虛證蓋痰飲爲患乍補每若相安具隻眼者始不爲病

書所載皆治寒  
痰之法十投而  
十不效今得孟  
英大開治熱痰  
之法真可謂獨  
無精義矣

所欺也。投以旋豬茹貝蛤殼花粉桑扈婁連枳等藥數服。卽安而暈不能止。乃去豬婁枳加元參菊花二至三甲之類。服匝月始能起榻。

汪氏婦自孟秋患痢之後。大解溏泄未愈。已而懷娠。恐其墮也。投補不輟。延至仲冬。兩目赤障滿遮。氣逆礙眠。脘疼拒按。痰嗽不食。苦渴無溺。屈孟英診之。脈甚滑數。曰。此溫補所釀之疾也。失秋閒滯下原。屬暑溼熱爲病。旣失清解。逗留而爲溏泄。受孕以來。業經四月。慮其墮而補益峻。將肺胃下行之令。皆挽以逆。升是以胸次堵塞而疼喘嗽不能卧。又恐其上喘下泄而脫也。

論極透快說  
庸醫之弊

補之愈力。治節盡廢。溲閉不饑。濁氣壅至。清竅兩目。之所以蒙障而瞽也。與沙參、蛤殼、枇杷葉、冬瓜子、海石、旋覆、蘇子、杏仁、黃連、枳實、海蛇、黃芩、梔子。重加貝母。服二劑。卽知饑。下榻目能睹物矣。

黃履吉患痛吐。孟英已爲治愈。冬仲復發。他醫藥之。已七日不進穀矣。二便秘澀。形肉遽消。再託孟英診之。與旋、赭、茹、芩、黃連、柿蒂、棟實、延胡等藥。一劑知。三劑愈。

許仲筠患腹痛。不饑。醫與參、朮、薑附諸藥。疼脹日加。水飲不沾。沈沈如寐。孟英診脈。絃細苔色黃膩。投以枳、樸、萸、連、梔、棟、香附。

痰藜延胡等藥。二劑便行脈起。苔退知饑而愈。

畢方來室患痰嗽。礙眠。醫與補攝而至涕淚全無。耳閉不饑。二便澀滯。乾嗽無痰。氣逆自汗。孟英切脈。右寸沈滑。左手細數。而絃。乃高年陰虧。溫邪在肺。未經清化。率爲補藥。所錮。宜開其痺。而通其胃。與婁薤紫苑。兜鈴杏貝。冬瓜子。甘桔。旋茹之劑。而安。亦少善後之法。

踰二年以他疾終。

賴炳也。令堂年近古稀。患左半不遂。醫與再造丸暨補劑。服二旬。病如故。孟英按脈。絃緩而滑。額赤。苔黃。音微。舌蹇。便澀。無痰。曰。此痰中也。伏而未化。與犀羚。茹貝。菖夏。花粉。知母。白薇。豆卷。



桑枝○縣瓜○絡等藥○服三劑○而苦化音漸清○朗六七劑○臍知痛○痰漸吐○便亦通○既而腿痛難忍○其熱如烙○孟英令塗○葱蜜以吸其熱○痛果漸止○半月後○眠食漸安○二旬外○手能握○月餘○可扶掖以行矣○

胡季權令郎珍官○右額偶發紫斑一塊○時當季冬○孟英與犀角石膏涼解之藥二三帖後○始發熱○斑漸透○犀角服二十帖○始撤○素有目疾○餘熱復從目發○令以石膏藥久服○居然漸愈○且能食○肌充○略無他患○聞者莫不異之○

趙春山司馬○向患痰嗽○自秋仲以來○屢發寒熱○吳古年從伏暑

化瘥治。頗爲應手。而一旬半月之後。病必復至。延至季冬。董蘭  
癢。嵯尹。囑其質於孟英。按脈滑數。舌絳苔黃。渴飲。溲赤。動則喘。  
逆夜不成眠。痰多畏冷。自問不能起矣。孟英曰。無恐也。不過膏  
粱釀痰。溫補助熱。是爲病根。迨夏吸暑邪。互相轆轤。秋半而發。  
勢頗類瘧。古年雖識其證。惜手段小耳。因與羚羊豆豉連翹薄  
荷。知母花粉竹茹貝母旋覆海蛇元參。卮子醒頭草梨汁等藥。  
服五劑。熱退不畏冷。去前四味。加沙參麥冬。葳蕤枇杷葉。漸能  
安寐。各恙遞減。再加生地。服匝月。而體健勝昔。登高不喘。司馬  
云。余昔曾服參茸大補之藥。而陽痿今服君方。而沈疴頓起。乃

知藥貴對證不貴補也。

王氏醫案續編卷四終

王氏醫案續編卷五 原名仁術志

杭州王士雄孟英醫案

武進董介穀蘭初續輯

戊申元旦陳秋槎參軍大便驟下黑血數升繼即大吐鮮紅之  
心、無、血、養、故、神、昏、用、無、血、養、故、逆、厥  
血而汗出神昏肢冷搐搦躁亂妄言速孟英至舉家跪泣救命  
、、、虛、在、陰、分、、熱、在、氣、分、  
察其脈左手如無右絳裏按之數以六十八歲之年僉慮其脫  
參湯煎就將欲灌之孟英急止勿服曰高年陰分久虧肝血大  
去而風陽陡動殆由忿怒兼服熱藥所致耶其夫人云日來頗  
有鬱怒熱藥則未服也惟冬間久服薑棗湯且飲都中藥燒酒

一餅耳。孟英曰：是矣。以西洋參、犀角、生地、銀花、綠豆、卮子、元參、茯苓、羚羊、茅根爲劑，衝入熱童溲灌之外，以燒鐵淬醋令吸其氣。龍牡研粉撲汗，生附子搗貼涌泉穴，引納浮陽，兩服血止，左脈漸起。又加以龜板、鼈甲服三帖，神氣始清，各恙漸息，稍能啜粥。乃去犀、羚羊，加麥冬、女貞、旱蓮，投之眠食。日安半月後，始解黑燥矢。兩旬外，便溺之色皆正，與滋補藥調痊。仍充撫轅巡捕，饔餼如常。秋間赴任紹興，酉秋以他疾終。

姚令與室素患喘嗽而病春溫，醫知其本元久虧，投以溫補。瘥、肺、原、包、心、而、生、故、肺、熱、皆、及、於、心、。

厥神昏耳聾，諸語面青舌絳，痰喘不眠，皆束手矣。延孟英診之。

脈猶絃滑曰證雖危險。生機未絕。遽爾輕棄。母乃太忍。與犀角、  
羚羊、元參、沙參、知母、花粉、石膏、以清熱息風。救陰生液。佐菴蓉、  
石英、鼈甲、金鈴、旋覆、貝母、竹瀝、以潛陽鎮逆。通絡蠲痰。三劑而  
平。繼去犀、羚羊、石膏。加生地黃。服旬日而愈。仲秋令與病竟誤服  
溫補。數日而殞。豈非命耶。

運糧千總馬香谷患溺祕欲死。所親趙春山司馬延孟英視之。  
脈堅體厚。口渴苔黃。投知藥。卮棟、犀苑、婁姑之藥。送當歸、龍蒼  
丸。而瘳。竟不復發。

謝某患嗽。臥難偏左。孟英切其脈。右寸、芤滑。曰此肺虛而痰貯。

於絡以葦莖絲瓜絡生蛤粉貝母冬瓜子茯苓蕤枇杷葉燕窩梨肉投之果愈。

許叔超令大母患瘡延孟英治之脈絃滑而數脛悶便秘合目汗出口渴不饑或慮高年欲脫孟英曰此溫邪挾素盛之痰所化補藥斷不可投與知芩麥杏薤貝旋茹連斛雪羹爲方服果漸效。

蒲艾田年踰花甲陡患鼻衄諸法不能止速孟英救之面色黑黯而有紅光脈絃洪而芤詢知冬閒廣服助陽藥是熱亢陰虛之證與大劑犀角元參茅根女貞旱蓮石斛茯苓澤瀉天冬知

母投匕而安。續予滋陰藥填補而康。

許少卿室故醫陳啓東先生之從女也。夏初患感。何新之十進清解。病不略減。因邀診于孟英。脈至絳。洪豁大。左手爲尤大。渴。大汗。能食。妄言。面赤。足冷。徹夜不瞑。孟英曰。證雖屬溫。而真陰素虧。久傷思慮。心陽外越。內風鴟張。幸遇明手。未投溫散。尙可無恐。與龍牡犀珠龜板鼈甲貝母竹瀝竹葉辰砂小麥元參丹參生地麥冬爲大劑。投之外。以燒鐵淬醋。令吸其氣。蠟粉撲止其汗。搗生附子貼於涌泉穴。甫服一劑。所親薦胡某往視。大斥王議爲非。而主透疹之法。病家惑之。卽煎胡藥進焉。病者神氣



服清解藥數劑  
氣留戀豈厚遠  
補藥邪氣反不  
留戀耶此等人  
而亦自命爲醫  
豈非怪物

昏○瞶○忽○見○世○父○啓○東○扼○其○喉○使○藥○不○能○下○噎○且○囑○云○宜○服○王○先○  
生○藥○少○卿○聞○之○大○駭○專○服○王○藥○漸○以○向○愈○而○陰○不○易○復○頻○灌○甘○  
柔○滋○鎮○月○餘○始○能○起○榻○季○夏○汎○行○惟○情○志○不○怡○易○生○驚○恐○與○麥○  
參○熟○地○石○英○茯○神○龍○眼○甘○麥○大○棗○三○甲○等○藥○善○其○後○秋○杪○歸○寧○  
微○吸○客○邪○寒○熱○如○瘧○孟○英○投○以○清○解○已○得○向○安○胡○某○聞○之○復○於○  
所○親○處○云○此○證○實○由○夏○閒○治○法○不○善○以○致○邪○氣○留○戀○再○服○清○涼○  
必○死○無○疑○湯○某○復○從○而○和○之○許○氏○卽○招○湯○某○診○治○謂○其○陽○氣○傷○  
殘○沈○寒○久○伏○以○理○中○湯○加○威○靈○仙○桂○枝○半○夏○厚○樸○薑○棗○等○藥○病○  
者○頗○疑○藥○太○燥○烈○湯○復○膏○舐○舌○說○得○天○花○亂○墜○病○家○惑○之○初○

涼藥未輟而愈  
見如此之證即  
不按脈亦可知  
爲新感溫邪矣

服胃氣倍加繼而痰嗽不饑黃苔滿布肌消汎斷內熱汗多心悸不眠臥榻不起病者堅卻其藥然已進二十劑矣再邀何新之商之亦難措手仍囑其求診於孟英按脈絃細更數纂患懸難縱有神丹不可救藥矣

周鶴亭令郎年甫五齡痘後月餘清涼藥尙未輟忽發壯熱幼科治之勢益張肢痠面赤嘔吐苔黃渴而溺清時或昏厥證交六日其外祖何新之邀孟英診之脈甚絃洪滑數心下拒按便閉汗多投小陷胸加石膏知母花粉竹葉枇杷葉貝母雪羹二劑各恙皆減洩赤便行繼與清養而安

費伯元分司患煩躁不眠醫見其苦白也投以溫藥因而狂妄  
瘕癥多方不應余薦孟英視之左脈絃細而數右奕滑乃陰虛  
之體心火熾肝風動而痰盛於中也先以犀羚桑菊息其風元  
參丹皮蓮心童溲清其火茹貝雪羹化其痰兩劑而安隨與三  
甲二至磁硃潛其陽甘麥大棗緩其急地黃麥冬養其陰漸次  
康復

何摺階令正素患肝厥仲夏患感沈樵亭按溫證法治之內風  
不至陡動而大便泄瀉脈細而絃渴飲痰多不饑不寐因邀孟  
英商之投白頭翁湯加三甲石斛茯苓竹茹而安隨以峻補善

後而痊。

許氏婦患間癰寒少熱多不饑大渴善嘔無汗脈滑而絃孟英投白虎湯加花粉柴胡而愈。

吳醞香大令四令媳時患腹脹減餐牙宣骭痛久治不效肌肉漸消孟英診脈絃細而數肝氣雖滯而陰虛替熱豈辛通溫運之可投耶以烏梅黃連棟芍梔子木瓜首烏鼈甲茹貝服之果愈繼與甘潤滋填肌充胃旺汎準脈和積歲沈疴宛然若失顧雲蘿令正久患腳氣屢治屢發馴致周身筋掣上及於巔顛痛指麻腰痠目眩口乾食少夜不能眠孟英察其脈扎而絃數

眞陰大虧。雖痛從無赤腫之形。脚氣藥豈徒無益而已。與二地。二冬。二至。知。葉。桑。菊。卮。棟。蒿。薇。龜。版。鼈。甲。藕。等。藥。服。之。各。恙。漸。減。蓋。因。平。素。帶。下。太。甚。陰。液。漏。泄。而。筋。骨。失。其。濡。養。也。故。治。病。須。澄。源。以。潔。流。秋。閒。以。海。螺。蛸。粉。魚。鱉。黃。藥。阿。膠。爲。丸。服。之。全。愈。

石北涯令正。久患。齧。疼。漸。至。身。面。浮。腫。或。以。爲。虛。或。以。爲。溼。病。日。以。劇。氣。逆。不。饑。孟。英。察。脈。左。洪。數。右。絃。滑。陰。分。雖。虛。先。當。清。其。肺。胃。之。痰。熱。者。投。白。虎。加。沙。參。花。粉。多。瓜。皮。枇。杷。葉。卮。子。竹。茹。蘆。根。服。之。腫。卽。消。繼。佐。滋。陰。齧。疼。亦。止。

肝主疎泄腎主  
閉藏兩尺浮而  
不沈是腎失其  
閉藏之職矣左  
寸關弦是肝木  
太過獨行其疎  
泄之權矣填補  
腎陰即以涵養  
肝木加黃柏之  
苦以堅之螺蛸  
之澀以固之用  
藥如法故收效  
倍捷

金碗香令媳半產後營分不攝淋漓數月治之弗廖孟英於季  
夏診視兩尺皆浮左寸關絃與三甲二至二地蒿薇柏葉螺蛸  
黃蘗爲方服之漸愈仲秋診其脈卽斷受孕渠謂懷娠必無病  
矣而不知病久初痊正須培養雖卽受孕涵蓄無權果至仲冬  
而胎墮矣

德清蔡初泉陡發寒熱咽痛大渴脰悶舌絳孟英診脈甚數徑  
投大劑犀羚元參丹皮桑扈銀花花粉翹芎之藥服後徧身發  
赤疹而熱退知饑矣

歙人吳茂林患右頰腫痛頰下結核牙關僅能呷稀糜外科稱

名不一治。若罔知孟英投以天麻、僵蠶、羚羊、石膏、醒頭草、升麻、當歸、秦艽、花粉、黃芩等藥，漸愈。

吳誦青室年近五旬，天癸已絕，偶患腹脹。局醫黃某知其體素羸也，投以腎氣湯，而寒熱漸作。改從建中法，旬日後病劇而崩。愈補愈甚，乞援於孟英。脈洪而數，渴飲苦黃，是吸受暑邪，得溫補而血下漏也。與犀角、元參、茅根、柏葉、梔子、知母、花粉、白薇等藥數劑，始安。續加生地二至二冬，滋養而愈。次年患病，仍為誤藥而殞。

阮範書明府令正，患腹痛欲厥。醫見其體甚弱也，與鎮逆通補

之法而勢日甚。孟英察脈絃數左溢。是因忿怒而肝陽勃升也。便閉不饑。口苦而渴。與雪羹。梔棟。旋絳。元胡。丹皮。茹貝。下左金丸而愈。踰年以他疾歿于任所。

海鹽周子因工於書。體素弱。偶患間瘧。黃某用首烏。鼈甲。薑棗等藥。病日甚。加以參桂。狂躁妄言。始延孟英視之。面赤舌絳。漉漉便溏。渴飲汗多。脈形細數。是暑證也。與元參。銀花。知母。茹貝。竹葉。荷桿。蓮心。西瓜衣爲劑。尋愈。

吳薇客太史令堂。患痰嗽喘逆。便閉不眠。微熱不饑。口乾畏熱。年踰六旬。多藥勿痊。孟英切其脈。右寸關絃滑而浮。左關尺細。



爽○無○神○是○陰○虛○於○下○痰○實○於○上○微○兼○客○熱○也○攻○補○皆○難○偏○任○與○  
茹○貝○旋○斛○浮○石○蘆○根○冬○瓜○子○枇○杷○葉○杏○仁○花○粉○爲○劑○而○以○熟○地○  
泡○湯○煎○服○則○濁○藥○輕○投○清○上○滋○下○是○一○舉○兩○全○之○策○也○投○七○果○  
應○再○服○而○大○便○行○漸○次○調○養○獲○瘳○戊○春○患○減○證○比○孟○英○自○江○西○  
歸○已○不○能○治○矣○

謝○譜○香○素○屬○陰○虧○情○志○抑○鬱○因○遠○行○持○重○而○患○欬○逆○左○脇○刺○痛○  
寸○步○難○移○杳○不○知○饑○臥○難○著○枕○延○孟○英○診○之○脈○象○絃○細○爽○數○苔○  
膩○痰○粘○便○艱○溲○少○乃○腎○氣○不○納○肝○氣○不○舒○肺○氣○不○清○胃○氣○不○降○  
投○以○沙○參○枇○杷○葉○茹○貝○旋○卮○龜○板○鼈○甲○絲○瓜○絡○冬○瓜○子○青○鉛○白○

前金鈴藕肉而以熟地湯煎服數劑而平繼漸滋填向愈。  
葉承恩室懷妊患感昏譫不眠善嘔便閉汗出不解脈濇口乾。  
乃營陰素虧邪熱內熾以元參石膏知芩茹貝銀花枇杷葉薇  
卮棟斛投數帖而愈。

江夢花如君患兩目腫痛不能略張醫投風藥昏疼欲厥洩孟  
英診之脈至洪滑大渴便秘與白虎湯二劑霍然。

潘馥堂令愛患感沈悅亭治之漸愈惟咽阻無形水穀礙下孟  
英以竹葉石膏湯加紫苑白前旋覆枇杷葉以清肺熱而降肺  
氣果卽帖然。

吳西漣患瘧寒微熱甚旬餘不愈孟英診之脈滑而長疏大劑  
白虎湯與之渠兄濂仲云沈顧二君皆主是方屢服無效孟英  
索方閱之湯雖白虎而石膏既少且煨兼不去米因謂其兄曰  
湯雖同君藥已重用而去米加花粉竹茹等其力不同科矣濂  
仲大悟服之尋愈此可以見服藥不可徒有湯頭之名也  
曹稼梅令愛患眩暈腕痛筋掣吐酸渴飲不饑咽中如有炙  
朱某與溫胃藥病日劇孟英診脈絃滑投茹貝莢連旋赭梔棟  
枳鬱雪羹之藥十餘劑始愈

夏氏婦懷娠患感冒投溫散漸至氣衝不寐時欲痊厥腕悶呻

吟渴難受飲。所親張養之。延孟英診之。脈滑數而溢。與小陷胸。加旋薤石膏。知梔茹杏腹皮。蘇子竹瀝。海蛇大劑。投旬日而愈。設用輕淺之方。焉克有濟耶。

沈悅亭令正齒齲五日不止。去血已多。諸方不應。孟英脈之。絃滑上溢。投犀角澤蘭元參。旋覆生地花粉。茯苓牛膝桃仁。澤瀉而安。旣而詢其經事。本月果已愆期。蓋卽逆行之候也。繼用滋陰清熱。乃漸康復。

王雪山于上年誤餌透土丹之時。孟英診治向愈。卽囑其常飲柿餅湯。以杜關格於將來。迨今四月閒。形體日瘦。張某進以導

此證即葉氏所謂下竭上結之候也。葉氏雖有方藥，亦未知果能取效否。不知古名家遇此當作何治法。方書中迄無論及者，孟英此案已是開人不敢開之口。至其悉當病情與否，則殊未敢輕論也。

溼疏風補氣之藥。孟英偶見之力，勸其溫補，莫投。且以凡物遇火則乾，癰得滋則肥潤為譬。雪山深遠之奈，為張某輩朝夕虛言所眩，仍服補劑。延至秋閒，始延孟英視之。脇痛畏風，周身絡脈時欲敲，朴食少，便難。日晡微有寒熱，脈來絃澀而數。右寸關絃，裏以滑。是升降之令久窒，痰邪襲於隧絡，關格之勢將成。再四求治，與沙參、茹貝、薇、蒿、旋、斛、厄、棟、蘭、草、枇杷、葉、絲、瓜、絡、冬、瓜、子、蘆、根、茅、根等出入為方。服之寒熱既蠲，脇痛亦減。雪山大喜，復請診之。脈頗轉和，第肝陰久為謀慮所傷，最怕情志不怡，必生枝節。小愈奚足為恃。囑其另邀明眼圖之。渠即招沈辛甫、顧

聽泉、吳卯君、任心柏、諸君商之。方案皆與孟英相合。雪山轉懇孟英設法。且云讀君之案。洞徹病情。微幸成全。足感再生之德。即使無效。我亦瞑目而亡。孟英感其言。殫竭心力。以圖久延。無如嗔怒繁思。諸多根觸。頻有轉關。屢生枝節。大便必極搥背。尻而始解。上則吐痰惡穀。果成關格之候。肩至伊子旋杭。惑於譏言。翻以竹茹竹瀝爲藥。性太涼。而以不用溫補爲謗。求乩方。徑以麻黃細辛鹿角等藥投之。遂至舌色乾紫。津涸而亡。不知者未免以成敗論。所謂道高謗多。然柿餅湯投于年餘未病之前。其卓見已不可及。而見危受命。勉力圖維。腸熱心孤。更可欽也。

特采其案以爲世之有識者鑒焉。

徐夢香年近六旬。患手顫不能握管。孟英以通補息風藥吞指。迷茯苓丸而安。仲秋類中。遺溺痰升。昏瞽妄言。汗多面赤。急延孟英視之。脈浮絃洪滑。蓋吸受熱邪而連日適服參湯也。與羚羊角石菖蒲連翹。卮子桑葉菊花棟斛知母花粉竹瀝銀花蒿薇等藥一劑。知二劑神清。乃去羚羊加茹貝滑石投之。下利赤白如膿垢者數日。始知饑納穀。漸以調理而愈。匝月卽能作畫。季秋仍幕遊江右。

張月波令弟。陡患腹痛。適飽啖羊肉麵條之後。醫皆以爲食滯。

龍養丸  
 一服 龍胆 肝 小龍 黃連  
 補 黃芩 黃芩 黃芩 黃芩  
 洪倉 黃芩 黃芩 黃芩

連進消導。痛甚而渴。得飲大吐。二便不行。又疑寒結。疊投燥熱。其病益加。呻吟欲絕。已四日矣。孟英視之。脈絃數。苔乾微黃。按腹不堅。以海蛇一斤。鳧茛一斤。煎湯頻灌。果不吐。令將餘湯煎。卮連棟斛。茹芩枇杷葉。知母延胡。柿蒂旋覆。爲劑。吞龍養丸。投七而溲行。痛減。次日更衣而愈。

黃鼎如令堂。年七十七歲。季秋患間癰。每發加劇。寒甚微而熱必昏。瘧舌不能伸。三發之後。人皆危之。孟英視之。額赤目垂。鼻冷。額頰微汗。苔色黃膩。舌根純紅。口渴痰多。不思粥飲。脈至絃數。重按少神。證屬伏暑挾痰。而陰虛陽越。先與菴蓉龜甲棟斛。



茹○貝○燕○窩○藕○兩○劑○而○額○紅○頰○汗○皆○竭○繼○佐○參○瀝○薤○麥○杷○杷○葉○旋○  
覆○去○竹○茹○菰○蓉○投○三○帖○而○昏○瘳○不○作○又○去○薤○棟○加○生○地○花○粉○服○  
五○日○而○瘳○休○飲○食○漸○加○居○然○告○愈○方○瘳○勢○披○猖○之○際○鼎○如○上○水○  
兩○昆○仲○頗○以○爲○憂○延○諸○名○家○議○治○有○主○人○參○白○虎○湯○者○有○用○犀○  
角○地○黃○湯○者○有○欲○大○劑○溫○補○者○有○執○小○柴○胡○加○減○者○賴○孟○英○力○  
排○眾○論○病○家○始○有○把○握○與○孟○英○意○見○相○合○者○何○君○新○之○也○慙○患○  
叅○贊○與○有○功○焉○

許○芷○卿○患○外○寒○須○覆○重○衾○內○熱○飲○不○解○渴○仍○能○安○穀○便○溺○皆○行○  
或○以○爲○虛○寒○或○以○爲○瘍○患○投○以○溫○散○卽○顯○咽○疼○孟○英○脈○之○沈○絃○

而○緩○作○痰○熱○內○伏○投○以○犀○羚○元○參○丹○皮○白○薇○黑○卮○茹○貝○旋○勞○之○  
劑○兩○帖○而○寒○渴○咽○疼○皆○減○乃○去○犀○羚○牛○蒡○加○二○至○知○母○花○粉○銀○  
花○解○嚙○矢○而○瘳○

韓○組○林○年○近○古○稀○孟○冬○患○肢○厥○頭○腫○譊○語○遺○溺○包○某○作○虛○風○類○  
進○以○溫○補○勢○益○劇○孟○英○脈○之○脈○絃○數○右○滑○溢○乃○痰○熱○內○阻○風○溫○  
外○侵○與○羚○貝○茹○卮○翹○薇○桑○菊○丹○皮○花○粉○旋○覆○以○蘆○薤○湯○煎○服○而○  
瘳○

錢○聞○遠○仲○郎○患○感○湯○某○進○桂○樸○薑○柴○等○藥○而○痰○血○頻○咯○神○瞽○耳○  
聾○譊○語○便○溏○不○饑○大○渴○苔○黑○溲○少○徹○夜○無○眠○范○應○樞○顧○聽○泉○登○

進輕清黑苔漸退舌絳無津外證依然不能措手孟英診之脈  
皆細數乃真陰素虧營液受燥不必以便溲不食而畏滋膩也  
授以西洋參生地二至二冬龜板燕窩茹貝銀花藕汁梨汁葳  
蕤百合等藥二劑咯血漸止痰出甚多漸進稀糜夜能稍寐五  
劑熱退瀉止渴始減脈漸和旬日後解燥矢而痊

朱湘槎令郎留耕忽于飽食後大吐而厥冷汗息微急延孟英  
視之厥甫回而腹痛異常口極苦渴二便不行脈來絃緩乃痰  
滯而熱伏厥陰肝氣無從疎泄也投雪羹梔棟元胡菴菴莫連  
橘核旋覆竹茹煎汁之藥一劑痛減再服便行而愈

韓嫗年近花甲。患三瘡于仲冬。朱某主溫散。併以薑棗湯恣飲。旬日後。粒米不沾。瘡至大吐。黃某以熱補進。勢益甚。又浹孟英視之。胸中痞結如杵。苔黃苦渴。洩如熱湯。脈絃滑。右甚帶下。如注。投小陷胸合溫膽。加薤白。服後大吐膠痰。十餘日。胸痞始消。改授甘涼。瘡亦漸罷。遽參滋陰。遂以霍然。

魏西林令姪女。晚後惡露延至兩月。繼聞乃翁條珊主政及兩弟卒于京。悲哀不釋。而爲乾嗽吐血。頭痛偏左。不飢不食。不眠。不便渴飲。而洩必開。日一行。久治不效。孟英切脈。虛絃豁大。與甘麥大棗加熟地。首烏龍甲二至。菊花旋覆芍藥貝母麻仁青。

鹽等藥服後脈漸斂血亦止七八劑頭疼始息旬日後便行安  
穀踰年接軀悲慟血復溢誤投溫補而亡

韓石甫大令令正患感發疹沈悅亭治以清解熱漸退而神氣  
不爽舌黑難伸太息便秘胸次拒按脈絃緩而滑投涼隔散加  
知母花粉枳實竹茹一帖而苔即退黃再服而黑矢下神氣清  
即以向愈

陳赤堂令正患感而赤不眠煩躁譫語口甘渴膩溲瀦而疼顧  
聽泉多劑清解未應孟英切其脈左絃洪而數右滑而溢胸次  
痞結大解未行肝陽上浮肺氣不降痰熱阻痺邪乃逗留與小

陷胸合溫膽雪羹加旋菴投之胸結漸開乃去半菴而送當歸  
龍蒼丸謔語止且能眠參以通幽湯下其黑矢三次後始進養  
陰和胃而痊

翁嘉順令正婉後陰戶墜下一物形色如肺多方療之不收第

氣虛不固

三日始求治于孟英令以澤蘭葉二兩煎濃湯薰而溫洗隨以

海螵蛸五倍子等分研細粉糝之果即收上繼而惡露不行白

前方只治其標未治其本故復發此是

帶時下乳汁全無兩散作痛又求方以通之孟英曰此血虛也

乳與惡露雖無其腹必不脹前證亦屬大虛合而論之毋庸診

視因與黃耆當歸甘草生地杜仲大棗糯米脂麻藕濃煎羊肉

湯○煮○藥○服○後○乳○汁○漸○充○久○服○乃○健○

屠○某○患○夢○遺○久○治○不○愈○耳○出○膿○水○目○淚○難○開○肩○脇○胸○背○痠○疼○微○  
有○寒○熱○食○減○神○疲○孟○英○察○脈○左○絃○數○右○虛○與○以○三○才○封○髓○加○龍○  
牡○黃○耆○桑○丹○朮○菊○旬○日○而○瘳○

李○華○甫○令○正○患○頭○震○孟○英○脈○之○絃○滑○乃○肝○經○鬱○怒○火○升○也○投○當○  
歸○龍○薈○丸○而○瘳○然○不○能○懲○忿○其○病○屢○發○之○後○更○兼○溺○悶○腹○脹○喘○  
汗○欲○絕○亟○邀○孟○英○視○之○脈○甚○絃○澀○口○苦○苔○黃○舌○色○紫○黯○汎○雖○不○  
愆○內○有○瘀○滯○也○以○雪○羹○加○金○鈴○旋○覆○卮○子○滑○石○桃○仁○芫○蔚○車○前○  
子○木○通○仍○吞○龍○薈○丸○外○以○田○贏○大○蒜○車○前○草○搗○貼○臍○下○服○後○果○

先下黑血。洩卽隨通。繼而更衣。糞色亦黑。遂愈。

王氏醫案卷五

原名仁術志

王氏醫案續編

卷五

五